

MISA CON NENOS
26 de novembro 2017
ORDINARIO 34º-A
Cristo Rei do Universo



Mateo 25, 31-46: "Herdade o meu Reino porque tiven fame e déstesme de comer".

Mensaxe: COMPARTIR e non ter faramé

VERTE. Tantas cousas NON COMPARTIDAS impediránme VERTE.

1. ACOLLIDA

Irmáns e irmás:

Hoxe, terminamos o tempo ordinario para entrar na preparación do Nadal. Xesús preséntase hoxe como rei, un rei especial que serve, morre por nós, perdóanos e sálvanos. É o rei dos pobres que se pon a disposición dos débiles, humildes e abandonados. E desvélanos un segredo: que ao final da nosa vida examinaranos do amor, se estivemos atentos ás necesidades de todas as persoas que temos ao noso redor, sexan coñecidas ou non, porque en todas elas está el presente. Sede benvidos e poñamos o vestido de festa, o vestido do amor para participar na Eucaristía dominical.

No nome do Pai... O Señor Xesús, que deu a súa vida por amor e quere ser recoñecido nos pobres da terra, sexa con todos vós.

(Podemos ensinar o cartel deste domingo de Fano, unha coroa de espigas e un bastón, símbolos do reinado de Xesús).

2. PERDÓN

Ao Pai que promete o seu reino aos que aman e comparten, pedímoslle perdón.

- Ti, Xesús, que te identificas co enfermo, o pobre ou o espido. *Señor, ten piedade.*
- Ti, Xesús, que te amosas como famento, como sedento, preso e estranxeiro. *Cristo, ten piedade.*
- Ti, Xesús, que te achegas como amigo, como irmán que espera a nosa solidariedade. *Señor, ten piedade.*

Que Deus, o noso Pai teña misericordia de nós, perdoe as nosas faltas de amor ao próximo e nos leve á vida eterna.

3. PALABRA DE DEUS

Na primeira lectura Ezequiel preséntanos a Deus como un pastor bondadoso, imaxe que Xesús recollerá para presentarse a si mesmo: "Eu son o bo pastor". S. Paulo dinos que a Resurrección é o primeiro paso cara ao Reino de Deus, a plenitude que esperamos vivir. O evanxeo ensínanos o camiño para entrar no Reino: recoñecer o rostro de Cristo, amándoo no pobre.

4. PETICIÓNS

Oremos a Deus o noso Pai, para que o seu Reino se faga realidade no noso mundo. Digamos:

-Veña o teu Reino, Señor.

- 1.- Para que a Igrexa sexa servidora dos pobres, casa de misericordia e de encontro para todos. *Oremos.*
- 2.- Para que saibamos descubrir e acoller a Cristo no rostro do irmán que sofre. *Oremos.*
- 3.- Para que os cristiáns recoñezamos a Xesús en todas aquelas persoas que están ao noso lado. *Oremos.*
- 4.- Para que os que pasan fame ou están en paro, os que viñeron de lonxe ou están doentes, experimente o amor de Deus a través noso. *Oremos.*
- 5.- Para que nos parezamos máis a Xesús e así o noso corazón estea cheo de amor para todos. *Oremos.*
- 6.- Polos que se preparan para recibir a forza do Espírito no sacramento da Confirmación para que amen a Xesús e vivan para el. *Oremos.*

Escoita, Señor, a oración do teu pobo, diríxecha co desexo de crecer cada día máis no Reino de Xesucristo, o noso Señor.

5. OFRENDAS

- **UNA COROA DE ESPÍÑAS E UN BASTÓN:** Os reis mandan, ten poder. A coroa de espiñas e o bastón de Xesús recórdannos que Xesús é un rei distinto: dá a vida por nós, cóidanos, guíanos e está sempre á beira dos que sofren e pásano mal. Un exemplo para todos nós se queremos seguilo.
- **ESPADA** (unha espada de papel para cada neno que nun momento dado rompemos): Ofrecemos estas espadas rotas porque queremos dicirlle a Xesús que o noso corazón quere ser como o seu, cheo de xustiza, bondade, mansedume e servizo.
- **PAN E VIÑO:** O pan e o viño da eucaristía son o alimento, a forza, para que Xesús sexa noso de verdade o noso rei e Señor, o máis importante nas nosas vidas e a descubrir o rostro de Xesús no máis necesitado.

6. VÍDEOS OU PPW PARA ESTE DOMINGO: Ord-34-A Cristo Rei

- Mt 25,31-46, O Xuízo final, evanxeo: <https://www.youtube.com/watch?v=aJA58Jxb0-E&feature=autoshare>
- Xuízo final, evanxeo: <https://www.youtube.com/watch?v=R7CMtrserhU&feature=autoshare> ()
- Mateo 25,31-46: <http://www.youtube.com/watch?v=YHETVeUg56l>
- Amor aos máis necesitados, vídeo reflexión: <https://www.youtube.com/watch?v=jnfyUkcbWBM>
- Saír ao encontro, reflexión: https://www.youtube.com/watch?v=rRJxh_yoK1E
- A vida eterna, canción: http://www.youtube.com/watch?v=j0Yfj_IUXnQ .
- Estiven enfermo, canción: <http://www.youtube.com/watch?v=PGSoVcPKfvE> ()
- Porque eu te amo, testemuño da Madre Tareixa: https://www.youtube.com/watch?v=rsR_fOKs3_Y
- Santa Tareixa de Calcuta: "Amar ata que doa": <https://www.youtube.com/watch?v=MnQAsL9jbUg>

8. SUXESTIÓNS:

O evanxeo préstase a ser representado mentres se vai lendo, facendo entrar na primeira parte os pobres: famento, sedento, forasteiro, espido, enfermo, encarcerado); e facéndoos saír cando son rexeitados.

Poderíase utilizar para a homilía un neno vestido de Cristo Rei con túnica, coroa de espiñas, caxato ou cruz, trono... Xesús é un rei singular, distinto. A súa orixinalidade está en rexer desde a humildade, desde o servizo e a entrega na cruz. Que vaíamos aprendendo o teu estilo de amor e de servizo.

Tamén se poderían debuxar dous "mapamundi" coas palabras: amor, verdade, ledicia, paz, perdón. E, outro máis, co contrario: odio, mentira, tristeza, violencia, rancor. Con isto logramos que, os nenos e nenas, distinguan a novidade que trae o reino de Xesús ou a diferenza do mundo de Xesús ao noso mundo.



*"E ao final do camiño diranme: Viviches? Amaches?
E eu sen dicir nada, abrirei o corazón cheo de nomes". Pedro Casaldáliga.*